



## Kubuyeketwa Kwe Tinchubo mgomo tekuhlela



Mayelana ne Tinchubomgommo

## Lokucuketfwe

I-SABC ibuyeketa Tinchubomgommo Tekuhlela letisetjentiswa yinhlangano. Balaleli kanye netisebenti yincenyelwembi lehamba phambili yalabatsintsekako, lenancwajana ihlanganiselwe kuchuba kutimbandzakanya kwabo kuloluhlelo. Lencwajana iniketa umbono-jikelele weTinchubomgommo teKuhlela letisetjentiswa kwamanje ngendlela yemibuto netimphevdvulo, kanye nekuhomba tihloko lokucociswana ngato kulenchubo yekubuyeketa. Letihloko lokucociswana ngato atikahlosi kuvimba inkhulomo-mphikiswano, ngakoke imibono kuto tonkhe tinhlangotsi taletinchubomgommo yemukelekile.

Tinchubomgommo tekuhlela letiphelele tiyaffolakala ku-webhusayithi ye-SABC, sabc.co.za, nobe ngunoma nguliphi lemahhovisi ase-SABC.

## Singeniso

### Umbuto: Kungani i-SABC ineTinchubomgomoteKuhlela?

I - SABC iyadzingeka ngeSehluko 6(5) seMtsetfo wekusakata (lochibiyelwe), kwakha tinchubomgomoletitawenta siciinisekiso sekufobela Indela Yekutiphatsa ye-ICASA, imibandzela yemvume yekusakata yeNhlanguano, kanye netimiso temtsetfo. Letinchubomgomokumele tifake ekhatsi inchubomgomoyekuhlelawa kwetindzaba, tinchubomgomotetinhlelo, tinhlelo letivelaaeveni, temfundvo, tinsita tawonkhe umuntufanye nekufinyelela, tilwimi, kanye netenkholo.

### Umbuto: Yini injongo yeTinchubomgomoteKuhlela?

Tinchubomgomotinenjongo yekusita labasebenta kuhlela kute babhekane netinkinga letiluhuni tekuhlela kanye netincumo kute tinhlelo letibalulekile naletihehako - nalokungenteka tihe tibayimpficabadzala - takhiwe, ngekwenganyelwanagemazingalaphakeme kakhulu emphatfo kanye nekuhlela. Ngalokubalulekile, letinchubomgomotiniketasakhiwo lesingasetjentiswa tisebenti te-SABC ekutsatseni tincumo mayelana netinhlelo leteffulwa etiteshini tefu.

### Umbuto: Ngabe letinchubomgomotisebenta emisakatweni yewayilensi nakumabonakhashane kuphela?

Chake, letinchubomgomotihambisana nato tonkehethlelo te-SABC, kanye netinsita tebalaleli bavelonkhenasemaveni angephandle. Tingasetjentiswa kutotonkhetinsita, kungayi ngekutsiyiwayilensi nobengumabonakhashane, ngcondvomshina, ku-SMS nobemakhala ekhukhwini, letakhiwa litiko le-SABC nobe inkapaniletimele.

### Umbuto: Tinchubomgomotekuhlelatengamele ini futsileni?

Umtsetfo wekusakata wanga 1999 (lochibiyelwe) udzingakutsi i-SABC yakhenaku lokulandzelako:

- i. Inchubomgomoyekuhlelawa
- ii. InchubomgomoyeTinhlelo
- iii. InchubomgomoyeTinhlelo Tavelonkhe
- iv. InchubomgomoyeTemfundvo

- v. Inchubomgomo yekufinyelela netinsita letiphiwa wonkhe umuntu
- vi. Inchubomgomo yetilwimi kanye ne-
- vii. Nchubomgomo yetenkholo

I - SABC yakhetsa kutifaka ndzawonye tonkhe letinchubomgomo lettingenhlakule Tinchubomgomo teKuhlela letisetjentiswako manje. Ngalokwengetiwe, kunenceny lechaza Ligunya leNhlangano, lokufaka ekhatsi Kutiphatsa Lokwatiswako eKuhlelweni kwe-SABC, Indlela yeKutiphatsa yeKuhlela kanye neKubika Kulabaphetse eKuhleleni.

Ngalokwengetiwe, tinchubomgomo tekuhlela tagunyata tindzawo lokumele kutfutfukiswe kuto tinchubomgomo letiphatselene netinkinya letikhetsikile letivelako, kulenandzawo Betindzaba kanye Naletisematseni batfutfukisa letinchubomgomo letilandzelako letengetiwe lesetiphasiswe liBhodi le-SABC:

- Tinkomba Tenchubomgomo yekusetjentiswa kwebahlatiyi kanye nalabaphawula ngetinhlelo
- Inchubomgomo yekusakatwa kwemingcwabo yahulumende
- Inchubomgomo yekulinganiswa kwematfuba ekusakata etikhatsini telukhetfo lwavelonke

## **Umbuto: Kungani i-SABC ibuyeketa Tinchubomgomo teKuhlela?**

Tinchubomgomo teKuhlela titsi tinchubomgomo kumele tibuyeketwe ngetikhatsi letilinganisiwe. Kwengeta kuloku, kusukela nga-2004 makwetfulwa Tinchubomgomo teKuhlela kwekulala, simondzawo sekusakata sesibenetingucuko letimcoka letinemtselela ekutsatfweni kwetincumo letihambelana netinhlelo - loku kunemitselela kuletinchubomgomo tekuhlela, ngakoke lokubuyeketwa kumele kwente siciiniseko kutsi Tinchubomgomo teKuhlela tikhomba letingucuko, futsi tinikete simondzawo lesifanele kutsi tisebenti tifeze ligunya leKusakatela Sive.

## **Umbuto: Lokubuyeketwa kuchutjwa njani?**

Tinchubomgomo tekucala tatingumphumela wekutsatsisa lokwatsatsa tinyanga; loku kubuyeketa kutawulandzela leyonchubo - ngekwenta tinhulumiswano letatijulile phakatsi kwetisebenti tase-SABC nemalunga eSive. Kulalela luvo Iwesive kutawentiwa kuto tonkhe tifundza, futsi balaleli betfu batawuba nematfuba ekutibandzakanya etinhlelweni tewayilensi,

mabonakhashane, ngekusebentisa tekuchumana letinjenge-feyisibuku kanye nayo iwebhusayithi ye-SABC. Sipiliyon se-SABC kuletinchubomgommo tekuhlela letisetjentiswako sitawusita lokubuyeketa, phindze netifundvo taleminye imisakato yesive titawusita, linyenti lato lineTinchubomgommo teKuhlela nobe Tinkhombandlela letisetjentiswako.

### Kubuyeketa: Tindzaba Letivamile

#### Kwetfulwa:

Ngesikhatsi sekucala kutsatsisa lomsebenti wekubuyeketwa, tikhalo taphakanyiswamayelananekusebentakweTinchubomgomoteKuhlelae-SABC. Kulesimo lesi, kumcoka yini kufaka imisho leketsekile kuletinchubomgommo tekuhlela kute kwenteke sicianiseko sekutsi iyalandzelwa nekutsi iyasetjentiswa kutotonke tinhlangotsi tenhlangano.

#### Timali temabhizinisi/Kutiphikisa kweMsakati weSive

Cishe lokungakajwayeleki kumsakati wesive, kutsi I-SABC ifola tindleko letinyenti emkhakheni wetemabhizinisi - ikakhulu imisebenti yekuhangisa levamile. Loku kusho kutsi i-SABC ihlangana netinsayeya letinyenti mayifuna kwetfula loko lokuligunya lemsakati wesive, phindze futsi linyenti laletinsayeya tinemtselela ngco kulenchubo yekutsata tincumo tekuhlela. Tinchubomgommo teKuhlela atisho lutfo mayelana nekubhekana nekutiphikisa lokungavela ngenga yekwenetisa ligunya lemabhizinisi kanye nesive.

- Tikhona yini tindlela tekutsi tinchubomgommo tingenta loku?

#### Kutuftuka kwetebuchwepheshe:

Macondzana netinchubomgommo tekuhlela, kutuftuka kwebuchwepheshe lokuhamba embili lokuhambageta balaleli ngunaku:

- Kwanda (kanye nekukhula lokuchubekako) kwechumana kutenhlalo.
- Kuguculwa lokusedvutane kuya kudijithali kuyekelwe i-analogi eluhlelweni lwechumana. Ema-bhlogi, imimmango lenetinhlelo kanye nekuchumaniswa kwetenhlalo ngito tintfo letibalulekile eTinchubenimgomo teKuhlela, phakatsi kwato kunetindzawo letine letidzinga kunakwa kulokubuyeketwa kweKuhlela:

## Kubuyeketa:

- Kusetjentiswa kwemawebhusayiti ekuchumana kwetenhlalo njengemitfombo yelwati, ikakhulu esimenindzawo setindzaba.  
Lena yinkinga lengadzingidwa kabanti eSigaben  
seTindzaba kanye naleTisematseni seTinchubomgommo teKuhlela.
- Kusetjentiswa kweluhlelo lwekuchumana kutenhlalo kwetisebenti te-SABC kwangasese. Mhlayimbe kumele kwentiwe umehluko phakatsi kwetisebenti letinemlandvomphilo emphakatsini longeke wehlukaniswe ne-SABC kanye naletlo letingatsintseki.
- Kusetjentiswa kwetinkhundla te-SABC ekutfutfukisweni kwemawebhusayithi ekuchumana kwetenhlalo  
kwalabatimele kumele kubuyeketwe
- Impahofo yetinhlelo letisungulwa balaleli, lokufaka ekhatsi imibono lengakaholisiswa emakhasini emawebhusayithi ema-Bhlogi.

Nanobe imitselela yaMabonakhashane weDjijitali (DTT) isengakevakali, itakuba nemtselela lojulile etinhlelwani tamabonakhashane esikhatsini lesitako. Kukhula kwemandla etekuchumana kute kubenemashaneli ekusakata lamanyenti kakhulu, kutawudzingeka kwentiwe luhlolo lwekutsi letingucuko telinani titawuba nemtselela yini eTinchubenimgomo teKuhlela. Kwetfulwa kwe-DTT losekusondzele kuyimbangela yekutsi kubuyeketwe imitsetfo netinchubomgommo lokumele isetjentiswe.

## Tinchubomgommo letisetjentiswako: Ligunya Umbuto: Yini kutiphatsa lokwatiswako ekuhleleni e-SABC?

Kulingana - ISABC yefulela wonkhe umunfu tinhlelo, ngato tonkhe tilwimi, iphindze ikhutsate kufinyelela lokungsweleki kuto tonkhe tinsita.

Kutimela kwekuhlelo - ISABC iphetfwe yincwadzi yekutiphatsa kweNhlangana, leveta kubaluleka kwekutimela lokuphatselene netintsatseli tenhlangana, lithono lekusungula tinhlelo, kanye nenkhululeko yekubeka umbono lekumtsetfo sisetelo.

Kwakha Sive - ISABC ibungata emasiko nebungitsi beNingizimu Afrika, iphindze inikete takhamiti lwati letiludzingako kute titibandzakanye ekwakheni intsandvo yelingiyenti  
Kwehlukana - ISABC istibuko setilwimi, emasiko, tifundza, nebanifu labehlukene eNingizimu Afrika etinhlelwani taya.

Sizotsasebunfu - ISABC ihlonipha sizotsa lesesimeni sato tonkhe takhamiti taseNingizimu

Afrika iyaveteta ngewehlukahlukana, futsi ayisebentisi lulwimi nobe imfanekiso yemcondvo lophocako locekela phansi tinhlanga, emasiko nebulili eNingizimu Afrika.

Kutiphendvulela - ekwenteni imisebenti yeKuhlela, baphatsi be-SABC kanye netisebenti baphendvula ebhodini le-SABC, leliniketwe umsebenti wekunakelela kutsi inhlangano ilandzela incwadzi yekutiphatsa.

Kungafihli - I-SABC yenta siciiniseko kutsi imigomo yekwetsembeka, kwentela tintfo ebaleni kanye nekungafihli, kubusa yonkhe incenye yebudlelwane bayo nebanikati bemasheyi, labatsintsekako, baniketi kanye nesive.

### **Umbuto: Sidzingelani kuba nekutiphatsa lokwatiswako ekuhleleni?**

Lokwatiswako, lokutsatselwe Kumtsetfosisekelo – lokufaka ekhatsi kutufufisa livelonke, bunye, kwehlukana, kungacwasi ngebuuhlanga, ngebulili, intsandvo yelingyenti kanye nesizotsa sebuntfu – tintfo letimcoka kuto tonkhe takhamiti taseNingizimu Africa. Tilibhuloho kumbusave, emazingeni, buhlanga kanye nebulili, nanobe sisesekucaleni kwemklamo wekutufufisa livelonke, loko ngulokuyinsika yetfu njengesive. Kumsakati wesive, kumele kube takhiwo teTinchubomgomo teKuhlela.

### **Kubuyeketa: Lokwatiswako eKuhleleni**

- Ngabe letintfo letatiswako tisemcoka yini ekusakateleni sive esigabeni selive lelisatfutu?
- Kukhona yini lokwatiswako lokusilele, kuyadzingeka yini kutsi loku lokukhona kususwe nobe kuguculwe umcondvo lobekwe kuko?
- Ngetulu kwaletindzaba lesetishiwo ngetulu, kunesidzingo sekutsi imigomo icatululwe iphindze yentiwe lephatsekako

### **Umbuto: Yini indlela yekutiphatsa yeKuhlela?**

Indlela yeKutiphatsa yeKuhlela yakhiwa liBhodi le-SABC ngemnyaka wa-1993, yabuketwa kute ibe yincenye yeTinchubomgomo teKuhlelanga – 2003. Indlela yekutiphatsa yasuselwa kuloKwatiswako eKuhleleni, ngesikhatsi kubuketwa nga – 2003, yahambisana nekutufufuka lobesekwentekile emtsetfweni. Esimeni samanje Indlela Yekutiphatsa yeKuhlela inemisho lelishumi nasihlanu, lesipohlongo ibhekene nciamashi neTindzaba kanye Naletisematsemi, Lesitfupha yato tonkhe tinhlobo tetinhlelo kantsi lemibili ibukene nenchubo yetinhlelo. Tintfo lokukhulunyuwa ngato eNdleleni yeKutiphatsa, tiphindze

tigcizelelwe etigabeni letifanele teTinchubomgom o teKuhlela.

### **Umbuto: Kusho kutsini kubika kulabaphetse?**

Kubika kulabaphetse kusho inchubo yekutikhetsela yekutsi tisebenti tekuhlela titsatsise kubaphatsi kunobe ngutiphi tincumo tekuhlela lettingatsita kuto. Uma kwenteka kuvela bulukhuni uma kusakhiwa luhlelo nobe umakuhlela, nobe umakhi weluhlelo nobe umhleli lolawulako abenekungatsita lokutsite, kumele batsatsise kubaholi labaphetse. Inchubo yekutikhetsela kubika kulabaphetse ifinyelela ngisho eSikhulwini lesihloniphekile seNhlangano, esigabeni saso sekubaSikhulu seKuhlela. I-SABC itsatsa kubika kulabaphetse njengendlela leniketa emandla kabubili, futsi leyakhako naletfufukisako kuto tonkhe tisebenti letidlala indzima letsite.

Ayikacondzi kutfumela kutsatfwa kwetincumo teKuhlela kulabaphetse bodywa; kepha icondze kutsi lapho idzingeka khona, isimamise kutsatfwa kwesincumo lokwentiwa linyenti kanye nebudlelwane bekusebenta - ikakhulu makunetincumo letimatima - kanye nekugcizelela kusebentisana kweNhlangano kanye nekwetsembeka kwetisebenti tekuhlela. Kubika kulabaphetse akukacondzi kuvimbela kwakhiwa nekusakatwa kwetinhlelo letiyimpicabadzala naletibabatekako; kepha kumele kwente kutsi tinhlelo letinjalo takhiwe futsi tibukeliswe ngekulandzelwa kwemphatfo nekuhlela lokusemazingeni lasetulu.

### **Umbuto: Tikhona yini tintfo lekumele tibikwe kulabaphetse?**

Kunetintfo lekumele kutsi umatisebenti tekuhlela tihangabetana nato tendluliselwe kulabaphetse. Loku kufaka ekhatsi imibuto-mphindvulo netigebengu nobe bantfu labafunwa ngemaphoyisa, nobe kutsebula nekuhomba bantfu uma kusakatwa bukhwema kutekujabule balaleli kantsi imishini yekutsebula ifihliwe. Kunetigameko letilishumi nane letibhalwe encwadzini yeTinchubomgom o teKuhlela, lekumcoka kutsi tibikwe kulabaphetse.

### **Kubuyeketa: Indlela yeKutiphatsa yeKuhlela kanye neKubika kulabaphetse**

- Kumcoka yini kuphawula kutsi kusetimeni letinjani lapho kubika kulabaphetse kupocelekile, uma kunjalo, ngabe loluhla lolubhalwe eTinchubenimgomo

teKuhlela lufanele nobe kumele kwengetwe letinye tihloko nobe letinye tisuswe kuloluhla?

• Kufanele yini kutsi Slikhulu lesihloniphekile setisebenti teNhlangano siphindze sibe sikhulu seKuhlela, uma kungenjalo, ngubani lowengamele wonkhe umsebenti weKuhlela Tinhlelo, nekutsi usebenta kanjani?

### Tinchubomgomo letisetjentiswako: Etinhlelweni

**Umbuto:** Ngutiphi tinchubomgomo netidzingo tekushaya umtselfo letiphetse lokucuketfwe tinhlelo te-SABC?

- Incwadzi yekutiphatsa
- Kutiphatsa Lokwatiswako eKuhleleni kwe-SABC
- Indlala yeKutiphatsa yeKuhlela imisebenti yeSABC
- Kufeza emazinga emboni kwe-SABC. Indlala yeKutiphatsa yeBasakati, lelawulwa yi-BCCSA
- Kuphocoelwa kwe-SABC kutsi ifobele imitsetfo nemibandzela yemvume ye-ICASA

### Umbuto: Ikhona yini imigomo lecondzisa tinhlelo te-SABC?

Indlala yetinhlelo te-SABC icondzisa ngulemigomo lelandzelako:

- Tinhlelo takhelwe ekwatisweni kwekuhlela lokuyinsika ye-SABC. Loku kunemtselela ekwakhiveni, kulalongwa kanye nekutfolakala kwato tonke tinhlelo tayo.
- I-SABC ihlose kwefula lwati lolwenabile, temfundvo kanye netekutijabulisa ngetinhlobo netakhiwo letinyenti, lapho khona wonkhe umuntu angafola lakudzingako etikhatsini letitsite.
- Njengemsakati wesive sonkhe, ngumsebenti we-SABC kukhutsata kutufukiswa kwemifanekiso yaseNingizimu Afrika. Ngakoke ikhombisa emakhono aseNingizimu Afrika, isekela emasiko aseNingizimu Afrika, iphindze inenjongo yekutfukisa tinhlelo letibonakalisa iNingizimu Afrika.
- I-SABC ihlose kubayindzawo yetakhamiti taseNingizimu Afrika, yeKuvetela umhlaba imphilo yato, nekuwukhombisa tinhlelo letisezingeni leliphamibili letifolakala mhlabawonkhe
- Uma sibheka umlandvo wetfu, kanye nekutsi iNingizimu Afrika iyincenyenye yelivekati lase-Afrika, I-SABC ikutsatsa njengemsebenti wayo kumela i-Afrika

kanye netindzaba letivela e-Afrika ngalokufanele nalokwehlukile

- Inkhululeko yekubeka umbono isenhlitiyweni yetinhlelo te-SABC.

### **Umbuto: Yini sizatfu sekunika secwayiso lesenele babukeli mayelana nalokucuketfwe tinhlelo?**

Lipulani lelinakekelwe, kanye netecwayiso letifanele nobe imiyalo, kwenta sive kutsi sitsatse tincumo letinemaciniso ngekutsi yini lesifuna kuyibukela nekuylalela. Lenchubo ayiphikisi imisebenti yeKuhlela Kwe-SABC nganobe nguyiphi indlela, kepha igcizelela lisiko lekuhonipha inkhululeko yekubeka umbono, kanye nelilungelo lekwemukela nekushiyelana ngelwati.

### **Umbuto: Ngutiphi timphawu lesitisebentisa njenge tecwayiso?**

Indlela yeKutiphatsa kwebasakati ifuna kutsi sinike balaleli imiyalo lecacile kute batikhetselle kutsi bafuna kubona nekulalela ini; nekutsi bavumele bantswana labangakubona baphindze bakuve. Loku kufaka ekhatsi tinkhomba (13, 16, 18), kanye netimphawu talokucuketfwe – kuneludlame (V); kutjengiswa tasencansini (S); bungcunu (N); lulwimi lolungahloniphisi, lokufaka ekhatsi kuhlambalata (L); kanye nekunyundza (P).

### **Umbuto: Kungani tinhlelo letikhulumma ngetingcikitsi talabadzala tisakatwa ebusuku?**

Sikhatsi lesingenamkhawulo (21:00 – 05:00), sikhatsi lapho kungatjengiswa tinhlelotalabadzalakumabonakhashanengekukhululeka. Phambilikwalesikhatsi lesingenamkhawulo, tinhlelo letingakafaneli bantswana akukameli titjengiswe. Lesikhatsi lesingenamkhawulo sishayelwe umtsetfo yiNdlela yeKutiphatsa yeBasakati, labayephulako baba nelicala phambi kwe- BCCSA.

### **Umbuto: Ngabe sikhona yini sikhatsi lesingenamkhawulo sewayilensi?**

NobelIndlelayeKutiphatsayeBasakatiingaphawulisigabalesingenamkhawulo sewayilensi, i-SABC ilandzela umgommo wekutsi titeshi atisakati tinhlelo letingafaneli bantswana, ngetikhatsi bantswana bangaba yincenyen lenkhulu yebalaleli. Njengesibonelo, titeshi kumele tati kutsi kungenteka kutsi bantswana basuke balalele iwayilensi umabasendleleni leya nalebuya esikolweni.

## **Umbuto: Ngenta njani umangabe iuhlelo lunekuhlambalata?**

Indlela yekutiphatsa itsi lulwimi lolungahloniphisi, lokufaka ekhatsi inhlamba kanye netintfo letihlambalata tenkholo, akukameli kube yincenye yetinhlelo letakhelwe bantfwana. Kuchubeka, futsi lulwimi lolucansula kakhulu lungasetjentiswa singakefiki sikhatsi lesingenamkhawulo kumabona khashane, nobe etikhatsini lapho linani lelikhulu lebantfwana lingabhekeki kutsi libe yincenye yebalaleli. Inchubomgomoyetinhlelo te-SABC iyamukela kutsi nanobe kuhlambalata sekwaba yincenye yekuchumana onkhe malanga, futsi kuvame kutfolakala kumabona khashane, kuyabenyanisa babukeli labanyenti. Ngakoke i-SABC iveta secwayiso seluphawu "L" njalo makunekuhlambalata, kute inciphise kukhatsateka kulabo babukeli labangacansuka. Letinkhombandlela letilandzelako te-BCCSA kumele tisetjentiswe:

- Macondzana nemidlalo nobe imilandvo-ndzaba, kutsatsela phansi ligama lenkosi kungasetjentiswa balingisi nobe banifu basemsaatweni, umangabe tecwayiso ngelulwimi tentiwi, kanye nelinani leminyaka lelivumelekile livetwe, nobe sesengcile sikhatsi lesingenamkhawulo, ngaphandle mangabe kunetizatfu letingetulu kwemandla.
- Ngesikhatsi semindeni lawo magama kumele asuswe ngayo yonkhe indlela lengentiwa. Kuwandzisa lamagama akuvumeleki.
- Lapho khona basakati basebentisa lulwimi lolunjalo ngenhoso yekuchwensa balaleli
- emva kwasikhatsi lesingenamkhawulo - loku kutsatfwa njengekwephula indlela yeKutiphatsa.

## **Umbuto: Itsini inchubomgomongendzima yetfu mayelana nekusetjentiswa kwelulwimi etinhlelwensi?**

Umsakati wesive ungumtfombo lobalulekile welwati kanye nemasiko, angabanemtselela emazingeni nalokwatiswako ekusetjentisweni kwelulwimi. Ngakoke i-SABC kumele igcine emazinga laphakeme ekuzotsa kwekusetjentiswa kwelulwimi. Tinkhombandlela tiyalandzela: -Kungasebentisi lulwimi ngenhoso yekwefusa - kungasebentisi kuhlambalata kwekutijabulisa - akusho kutsi lulwimi lolungahloniphi seluvaliwe etinhlelwensi, luvumelekile umangabe lungasekelwa ngendzawo kanye nenhoso - kutsi kusetjentiswa kwelulwimi kumele kufake ekhatsi kutsintseka kwetenkholo.

## **Umbuto:Yini inchubomgommo ye-SABC lephatselene nelubandlululo kulabakhubatekile?**

I-SABC iyabona kutsi emacembu lakhubatekile avamise kunganakwa, nekutsi ngumsebenti wemsakati wesive kukhutsata kutsi lencenyе yebalaleli nayo ifinyelele etinhlelweni netinsita, kute kwetfulwa kwebantfu labanekukhubateka etinhlelweni tetfu kulingane. Ngakoke, I-SABC iphatsa bantfu labakhubatekile ngekuhlonipha etinhlelweni tayo, futsi sitimisele kukhombisa tindzaba talabakhubatekile ngendlela lengabangi umcondvo wekunyundza nalolimata labo labakhubatekile. Futsi sitimisele kufuna tindlela letincono tekwetfula tinhlelo kubantfu labakhubatekile. Uma kukhonakala, sitimisele kufaka labo labakhubatekile kuleyo metamo.

## **Umbuto: Yini lokwentiwa yi-SABC kucedza ludlame lolubhekiswe kubesifazane?**

Tinchubomgommo teKuhlela tase-SABC tikusho ngalokucacile kutsi lokucuketfwе tinhlelo, uma simo sako sehlulelwа, akukhutsati ludlame kubesifazane, nekuveta besifazane njengalabangakwati kutivikela eludlameni nekuhlukunyetwa, kwehlisa sitfunti sebesifazane, nekucekela phansi indzima yabo nesikhundla sabo emmangweni, kukhutsata lubandlululo lwebulili, kubanga kucindzetelwa kwebulili kanye nemicondvo lenyundzako.

## **Umbuto:Kunini lapho kwemukeleka khona kusakata ticephu teludlame kumabonakhashane?**

Indlela yeKutiphatsa ibhala phansi timo letingasiyo imvama lapho ludlame lungasakatwa khona. Kusebentisa loku, Inchubomgommo yetinhlelo te-SABC ichaza kutsi ticephu letiveta titfombe letineludlame tingasakatwa kuphela uma tidzingeka kute kukhonjiswe lwati nobe simo lesisemtsetfweni.

Ngakoke i-SABC inemsebenti wekungakhutsati ludlame noma nguluphi, nekulukhombisa uma ngabe lutawusita indzaba, luletse luvelo, lwente lusito, nobe lube ngemaciniso esehlakalo lesentekile. Uma kwentekile lwakhonjiswa, tecwayiso tebalaleli timcoka. Akusiyo inhoso ye-SABC kubona kutsi ludlame lolunganani lolungabeketelwa, kepha kukhombisa kutsi kudzingeka ludlame loluncane kanganani, kute kuzuzwe tinjongo letimsulwa, ngaphandle kwekfusa lokungadzingeki nobe kuphosisa makuhlelwa.

## **Umbuto: Ngabe Inchubomgomoye Kuhlela iyavikela lilungelo lesitfunti kanye nemfihlo?**

Indlela yekutiphatsa idzinga kutsi tekuchumana tisebentise kunakekela nekucabangela lokunyenti etindzaben i letifaka ekhatsi imfihlakalo yebantu kanye netidzingo tabo letifihlakale, kepha ungakohlwa umcondvo wekutsi lilungelo lekufihla lingancotija ngumtsetfo wentsandvo yesive. I-SABC ibheke kutsi tincumo taloluhlobo lolu tentiwe ngekubukisisa lokwatiswa yiNhlangano.

## **Umbuto: Ngubani loncoma kutsi bantfwana babonani nobe balalela ini?**

Basakati abakavumeleki kutsi bangatjengisa tintfo letingakalungeli bantfwana ngetikhatsi lapho inombolo lenkhulu yabo ibhekeke kutsi ingaba yincenye yebalaleli. Noma kunjalo, ngumsebenti webatali kwenta tincumo tekutsi bantfwana babo bangabukela ini, ngaphandle nije uma tsine sigcwalisibopho setfu sekukhombisa tecwayiso letifanele, letibenta bakwati kutsatsa tincumo.

## **Umbuto: Ngive kutsi kunganiki imvume lifilimu akukho emtsetfweni. Kuliciniso yini loku futsi ngabe i-SABC iyiphatsa njani intfo lenje?**

Kunganiki imvume njengoba kwakuhona esikhatsini sakudzala, lapho kwakunakwa intsandvo yelidlandzana, akusamukeleki kulesimondzawo semtsetfosisekelo lesisha seNingizimu Afrika, lapho tesweleke kakhulu tintfo letingavimba inkhululeko yekubeka umbono. Kute balaleli bakwati kutikhetsela, kuncono kubanika tecwayiso emoyeni batokwati kutikhetsela. Kuyohlala kulilungelo lawo wonkhe muntu kuncoma kutsi ubukela ini nekushaya umtsetfo wekutsi bantfwana babukela ini.

## **Umbuto: Sitenta njani tikhalo letibuya esiveni mayelana nemisakato yetfu?**

Tikhalo temalunga esive letimmikisa e-SABC naletiphatselene netindzaba tetinchubomgomoye, nobe kutfobelwa kweNdlela yeKutiphatsa, tinikwa lihhovisi lempatsi lowengamele lmtsetfo yeKusakata. Uma ngabe tikhalo taloluhlobo temukelwa titeshi, nobe nguliphi litiko, kumele tendluliselwe kulelohhovisi ngaphandle kwekucitsa sikhatsi. Inchubomgomoye SABC kusombulula

leto tikhalo. Leyo mphendvulo ingalungiswa ngekutsatsisa, nobe iniketwe masinyane lophetse lesi siteshi, nobe loyo loyinhloko yeTindzaba te-SABC lofanele. Tonke titeshi kufanele titiphendvulele etikhaweni letibhekiswe kuto.

### **Umbuto: Ngabe i- SABC iyakwati kwengamela tintfo letingakhangiswa etiteshini?**

Yebo, ngendlela yekutsi i-SABC ifobelala imitsetfo lebekwe yiNhlango leNemagunya Emazinga eKukhangisa eNingizimu Afrika (Advertising Standards Authority of South Africa). Ligumbi lekutsengisa netimakethe linelilungelo lekwemukela nekuala tikhangiso lettifolakala kutsi atikho entsandwensi yesive nobe leto letephula Tinchubomgomo teKuhlela tase-SABC.

### **Umbuto: Yini tinkhombandela temicondvo lebukela phansi?**

Sitimisele kufaka etinhlelweni tetfu bantfu labatsandzana ngebulili lobufanako, labamnyama, besifazane, labakhuatekilengaphandlekwemcondvo lobukela phansi, kanye nekufaka tonke takhamiti taseNingizimu Afrika letivamise kubandlululeka kutekuchumana, nobe tetfulwe ngendlela lenciphisiwe lenemcondvo lobukela phansi. Inchubomgomo ye-SABC iyalandzela: 1. Kuphatsa yonke incenye yemmango ngenhlonipho 2. Hhayi kuchaza bantfu ngendzabuko yebuve kuphela, nekusho umbala umangabe usekela lesi sihloko lekukhulunya ngaso 3. Kwecwaya kukhuluma ngekukhuateka lokungakadzingeki, ngoba loku kuhle kubonakala njengekuchwensa nobe kutsatsela phansi, nekungasebentisi lulwimi lolungengeta loyomcondvo:

Sibonelo “emadlebe langeva” nobe “bulukhuni bekulalela” kumele kusetjentiswe, nobe “umunfu lokhubatekile” kune kutsi “sichwala” nobe “inkhubela” nobe “sidalwa” 4. Kungasebentisi lulwimi lolubukela phansi bulili kute ungapphoci, nobe kwakha umcondvo - ngekuphindhaphindza - lotsi imisebenti letsite iphatselene neluhlobo lunye lwebulili.

### **Kubuyeketa: Tinhlelo**

- Letintfo letingenha ngabe tisemcoka, tikhona yini tigaba lapho indlela lecindzetelako nobe lebophako kumele yentiwe?
- Etigabeni letinyenti - tinchubomgomo letifaka ekhatsi ludlame, tase cansini

nebungcunu. tikhishiwe kuleNdlela YeKutiphatsa kwaseNingizimu Afrikha kweLibandla leTikhalo teMisakato. (Broadcast Complaints Commission of SA Code) Kufanele yini loku kufakwe kulenchubomgommo. umangabe kuyincenyen yenchubomgommo. yini lokuba ngetulu. ngabe kumele iguculwe yini iNdlela yeKutiphatsa lapho lemisho ipuma khona?

- Lesigaba sinabudlewane buni nekuchumana (kubongcondvomshina) nobe letinye tinsita letingakajwayeleki?
- Kulesigaba lesi. kantsi futsi neTindzaba naletisematseni. kunetinhoso tekwetfula ngekulingana bulili - kepha kuto totimbili letinhoso awukachazwa lomcondvo. futsi ayikho indlela lebekiwe kutsi loku kungazuwa njani.
- Incenye lenkhulu yesigaba setinhelelo ikuhuluma ngalokungentiwa - ngabe kumele kwengetwe loko lokumele kwentiwe nekutsi kwentiwe njani?

## **Tinchubomgommo letisetjentiswako: Tindzaba**

**Umbuto:Ngabe i-GCEO, inawo emandla etindzabeni nasetinhlelwani?**

Indzima yekuba Sikhulu seKuhlela ngulomunye wemisebenti leminyenti ye - GCEO, futsi akukameli iphambaniswe nemisebenti Yenhloko yeWayilensi, Mabonakhashane, Tindzaba, Temidlalo kanye neTemfundvo nobe yalabanye Bahleli, neBaphatsi beTiteshi labachashwe yi-SABC. Indzima ye-GCEO akusiko kwenta tinhlelo tamihla yonke nobe tincumo tetindzaba. Nobe kunjalo, libhodi le-SABC linika umsebenti, liphindze lifune GCEO kutsi aphendvule ngekwetfulwa kwato tonkhe tindzaba naletinye tinhlelo letisakatwe kuwo onkhe emawayilensi e-SABC, mabonakhashane, i-inthanethi naletinye tinsita.

### **Kubuyeketa: Tindzaba**

- Ngabe loku lokungenhla (kanye naletinye imisho) kuletinchubomgommo kusefanele. futsi ngukuphi lapho kudzingeka kwentiwe ingucuko?
- I-SABC seyike yagcekwa ngekutsi iyabandlulula uma-ibika: ngabe kukhona tincenye letibalulekile tetinchubomgommo letingasetjentiswa kucedza loku?
- Esimeni sekugcekwa kutsi i-SABC ibika kanjani ngetindzaba tayo kube nekuphikisana. tinganikwa maphi emagunya tinchubomgommo kute tente sciniseko kutsi ibike ngalokupuhelele nalokulinganako ngetayo tindzaba?

## **Tinchubomgom o letisetjentiswako: Lulwimi**

**Umbuto:i-SABC itimisele kwentani mayelana nekusakata ngato tonkhe tilwimi?**

Itimisele nati tintfo letimcoka :

- Kwetfula tinhlelo tetinhlelo letinyenti letinemehluko, letikhombisa likhono lekucamba kanye nesimo lesisetulu ngetilwimi letilishumi letisemtsetfweni, etikweni lewayilensi namabonakashane, nekulwela kukhombisa tidzingo talunye ngalunye lulwimi lolukhulunya ngumphakatsi etinhlelweni tefu
- Kugcina tinsita tewayilensi letinemehluko futsi letingafanan i kulunye ngalunye Iwetilwimi letilishumi nanye letisemtsetfweni • kuphatsa tonkhe tilwimi letisemtsetfweni ngekulingana kumabonakashane • kuhlanganisa lulwimi Iwetimpawu IwaseNingizimu Afrika lube yincence yekusakata kute tinhlelo tifinyelelwe bantfu labanekukhubateka bekungeva • Kwetama kufaka letinje tilwimi letingekho emtsetfweni letikhulunya eNingizimu Afrika, ikakhulu tilwimi teKhoi, Nama kanye ne-Seni.

**Umbuto: Sime kuphi mayelana netilwimi letingekho emtsetfweni kanye nelulwimi Iwetimpawu?**

I-SABC itimisele kuniketa tinhlelo letisesimeni lesihle tewayilensi ngetilwimi taseNingizimu Afrika letingekho emtsetfweni, ikakhulu i-Khoi, Nama kanye neSeni. I-SABC ichubekela phambili ngekukhulisa linani letinhlelo letisayindiwe, kucala ngetindzaba letikhetsiwe kanye naletisematseni, kanye netigigaba letimcoka livelonkhe. Imetamo leketsekile iyentiwa kuhumusha lulwimi Iwetimpawu uma ngabe tinhlelo titsetjulwa embi kwebabukeli.

**Umbuto: Kusho kutsini “kuphatfwa ngekulinganisa” kwetilwimi?**

Litemu letitsi kulinganisa lisho bulungiswa, kufananisa kanye nekucabangela.

Ngaleyondlela, i-SABC ihlose kusakata lonkhe lulwimi lolusemtsetfweni kumabonakashane, nekwenta sici niseko kutsi tinhlelo tifinyelela kubabukeli labanyenti ngendlela lengakhonakala. Sihlose kwelekelela mabonakashane wavelonkhe ngekuniketa tinsita letivel a etifundzeni njenekusho kwemtseffo weKusakata (lochibiyelwe), ngekuhambisana nemvume yaletinsita lebuya ku-ICASA, nekutfolwa kwetindleko taleyonjongo yiPhalamende. Kulinganisa

kuzuzwa ngetindlela letihlangene, letifaka ekhatsi kwakhwa kwetinhlelo telulwimi lunye, netilwimi letinyenti. Sitimisele kusebentisa buchwepeshe njengekubhala emagama kwenta sicianiseko sekutsi tinhlelo tifinyelela kubabukeli labanyenti. Ngalesinye sikhatsi lomgomu uhlangabetwa kahle ngekusakata ngetilwimi letivana todwa nobe leto letinelinanu lebantu labanyenti. Uma ngabe loku kwentiwe, i-SABC inekutintjintja letilwimi letivana todwa kute kube nekulinganisa.

### **Umbuto: Yini indlela lesiyisebentisako ngekusakatwa kwetilwimi letinyenti?**

i-SABC iyayati indzima lengadlalwa tinhlelo tetilwimi letinyenti ekukhutsateni lwati kanye nekuvisisa kwehlukana kwetilwimi nemasiko alelive. Ngaloko ke, i-SABC ihlala ikhutsata kwakhwa kwetinhlelo tetilwimi letinyenti letinemcondvo, njengendlela yekufumana tinhoso tayo tekusakata ngetilwimi. Tinhlelo tetilwimi letinyenti nguleto leticuketse linani lelibonakalako langetulu kwalunye lulwimi lolusemtsetfweni.

### **Umbuto: Ngutiphi tilwimi taseningizimu afrikha letatiwa njengaletinganakwa kunaletinye etinchubenimgomo?**

XiTsonga, TshiVenda, SiSwati kanye nesiNdebele tilwimi letatiwa njengaletinganakwa kwedlula letinye, kunemsebenti lowengetiwe etikhungweni letinjenje SABC kutsi ticedze lokunganakwa.

### **Umbuto: Ngutiphi tizatfu letisetjentiswako uma kubekwa kutsi lulwimi lutawutfolu sikhatsi lesinganani kumabonakhashane?**

Uma kukalwa kwabiwa kwsikhatsi salunye ngalunye lulwimi, i-SABC ibuka naku:

- Linani lebantu labakhuluma lulwimi lwasekhaya endzaweni lefinyelela kuleso siteshi
- Kwandza kwelulwimi kuleyondzawo
- Likhono lemalinga emmango elulwimi lekutsi bangevisisa letinye tilwimi.
- Lizinga lekunganakwa kwelulwimi
- Lizinga lekuvisiswa nguletinye takhamiti taseNingizimu Afrika
- Kungesweleki kwetinsita.

### **Kubuyeketa: Lulwimi**

- Ngabe loku lokungenhla (kanye nalemninye imisho) kuletinchubomgomo kusefanele, futsi ngukuphi lapho kudzingeka kwentiwe ingucuko?
- Kutimisela kucedza kucindzeteleka kwaphambilini, kanye nekucabanga kutsi kwabiwa kwetindleko kumele kunake loku: kufanele yini tinchubomgomo tifake ekhatsi lenhlosa lena, umangabe tenta njalo, kumele ichazwe yini kute ikhombe kutsi lokucindzeteleka kwaphambilini kungacedwya njani.
- Ngusiphi sinyatselo lekumele sitsatfwé yi-SABC mayelana netingucuko telulwimi? Kufanele yini kusetjentiswe sicamtho etinhlelwani, nobe i-SABC kumele ibe ngumvikeli wetilwimi letimsulwa? Kumele yini i-SABC ibe ngumlonndvoloti wetilwimi, kantsi futsi ikukala njani kubamsulwa kwelulwimi? Kunetilwimi letilishumi nakunye letisemtsefweni eNingizimu Afrikha, tonkhe tinetinhlobo, yini sikalo sekutsi loluhlobo lumsulwa?

### **Tinchubomgomo letisetjentiswako: Tinhlelo tavelonke Umbuto: Ngutiphi tindzawo letintsatfu lapho tinhlelo tasekhaya tilawulwa yi-ICASA?**

Tibalo tetinhlelo letivela kuvelonke temhlaba tasinye ngasinye siteshi. Letibalo tichaza kutsi emaphesenti esikhatsi kusukela ku-05:00 kuya ku-23:00 kumele aniketwe tinhlelo letivela eveni. Letibalo temhlaba tiyehlukanisa phakatsi kwamabonakhashane wesive nalabo bemabhizinisi. Tibalo tetinhlobo tetinhlelo: Leti tichaza kutsi umangabe siteshi samabonakhashane setfulla luuhlobo lolutsite Iwetinhlelo (njengemidlalo yasesiteji), emaphesenti alolo luuhlobo Iwemidlalo kumele abekelwe lephuma eveni. Letinhlobo tetinhlelo tiyachazwa emitsetfweni ye-ICASA, tifaka naku lokulandzelako: Umdlalo, kwakhiwa kwelwati lokungakahleki, bantswana, temfundvo, imilandvo-ndzaba kanye naletisematseni. Esimeni ngasinye liphesenti lelincane lelivumelekile lichaziwe. Letibalo nato tenta umehluko emkhatsini wamabona khashane wesive newemabhizinisi. Tibalo tekwakha letitimele: Lapha kuchazwa kutsi emaphesenti etinhlelo taseveni letikhonjswako kumele tabelwe tinkampani letitimele letakha tinhlelo tamabonakhashane. Leti tibalo atiwenti umehluko emkhatsini wetinsita tesive netalabo bemabhizinisi. Tonkhe letibalo tichaziwe emitsetfweni lengabuyeketa yi-ICASA njalo eminyakeni lemitsatfu.

### Kubuyeketa: Tinhlelo Tavelonkhe

- Ngabe loku lokungenhla (kanye naleminye imisho) kuletinchubomgommo kusefanele, futsi ngukuphi lapho kudzingeka kwentiwe ingucuko?
- Letinchubomgommo tenta i-SABC kutsi itifutukise tinhlelo tase-Afrikha: singenta njani ngaloko?

Ngabe i-SABC inawo yini umsebenti wekwenta tinhlelo tavelonkhe yentele letinye tinsita lete timvume tato - uma kunjalo ngabe loku kumele kuge yincenyenye yetinchubomgommo tekuhlela yini?

Ekucaleni kwalencwadzi, indzaba yekwengamela tinhlelo leticuketfwe kute kwetfulwe ligunya lesive lekusakata ishiwo, njengentfo lekumele ihlatiwe - kungaba yindzawo lefanele yekwenta loku lena.

### Tinchubomgommo letisetjentiswako: Kusakata tenkholo

**Umbuto:** Ngabe sikhatsi setinhlelo tenkholo sabiwa njani?

Uma kwabiwa sikhatsi semacembu etenkholo, i-SABC ise bentisa umgomo wekuphatsa ngekufana, lomgommo uyasetjentiswa makukalwa sikhatsi salelocembu. Letikhatsi tabiwa njalo ngeminyaka lemitsatfu, emva kwekutsatsisa ebandleni lekusakata tenkholo (RPB), nati tintfo letibukwako:

- Idatha yemaphesenti elinani lelicembu laleyonkholo ngalinye, kususela elubalweni lwsive lwe kugcina lolwentiwe • Sidzingo setinkholo letinkhulu kutsi titfole lituba lekwetfula tinhlelo teluhlobo lolutsite lwenkholo ngalokwenele • Sidzingo sato tonkhe tinkholo kutsi tikhonjiswe etinhlelweni tenkholo • Sidzingo setinhlelo letilingene teluhlobo lwtinkholo letinyenti • Sidzingo sekucedza incindzetelo yaphambilini ekusakatweni kwetenkholo

**Umbuto:** Kungani inchubomgommo yetinhlelo tenkholo inaka ngalokukhetsekile tenkholo tase-Afrikha?

Kusakatwa kwetenkholo kumele kutame kuveta indzawo, nekukhombisa lokwenteka e-Afrikha. Kute kulungiswe emaphutsa ekunganaki emasiko ase-Afrikha ekuchumaneni kwsive, imetamo lebalulekile iniketwa tinkholo tase-Afrikha nemasiko endzabuka.

## **Kubuyeketwa: Kusakatwa kwetenkholo**

- Ngabe loku lokungenhla(kanye naleminye imisho) kuletinchubomgomokusefanele, futsi ngukuphi lapho kudzingeka kwentiwe ingucuko?
  - Tinchubomgomo teTenkholo tibeka kulawulwa kweKuhlelwa kwetenkholongaphandle kwe-SABC. Lenchubomgomo iphindze ivumele kusungulwa kweLibandla lelengamele Kusakatwa kweTenkholo, lelibika eBhodini, lichaze kwabiwa kwetikhatsi temacembu etenkholo letehlukene, liphindze lisebentisane nemimango yetenkhola. Kokubili loku kubonakala ngatsi kuyekela umsebenti wekulawula kuhlela wangekhatsi e-SABC, kumele kulungiswe.
  - Intfo lebaluleke kakhulu leyavela mayelana neKusakatwa kweTenkholo, kwaba kutsi engabe lemicondvo yebumcoka bekusakatwa kwetintsandvo temabandla kufanele.
  - Ngabe lokuchazwa kwetinkholo letigcamile kusenele, futsi ngabe lemehluko levamise kubonakala imikhulu phakatsi kwenkhola ngayinye, nienge Shi'ite neSunni; lababenkhola ye-bu-Orthodox kanye nemaPhentakhositali, kunakwa ngendlela lengiyo?
  - Kubhadalelwa kusakata endzaweni yekusakatela tenkhola njengetinsita tesiive kuphakanyisiwe njengenkinga, kepha Tinchubomgomo teKuhlelia tiyakuvumela - ngabe loku kufanele?

## **Tinchubomgomo letisetjentiswako: Temfundvo**

**Umbuto:** Ngutiphi tindzawo letisifupha lapho i-SABC iniketa khona tinhlelo temfundvo etinsiteni tayo?

Kususela Emtsetfweni weKusakata, i-SABC ikhombe nati letilandzelako tindzawo tetinhlelo temfundvo: Kutfufuka kwemtfwana kwasekucaleni

- Bantfiana labasemakhaya • Kufundza Esikolweni • Kutfufukisa Insha
- Kutfufukiswa Kwetisebenti kanye Nalabadzala • Kufundziswa Kwasive

## **Umbuto: Yini lehamba phambili leniketwa tidzingo temfundvo?**

i-SABC yenta siciiniseko kutsi tinhlelo tayo temfundvo ticondziswe emlandzweni wekungalinganiswa wekweifulwa kwetempfundvo, ikakhulu kepha hhayi kuphela, leto letiphatselene nebulhlanga, bulili kanye nekuhubateka. i-SABC ihlanganisa kusakata temfundvo netidzindo kanye nalokuhamba phambili eveni lonkhe, kusekela kufezeka kweluhlelo lwemfundvo lemiselwe

-emiphumeleni, kufundza imphilo yonke, kanye nebudlelwane besipiliyon  
semphilo kanye nekufundza.

**Umbuto: Ngabe inchubomgomoyetinhlelo temfundvo te-SABC inake imfundvo lehlelekile nobe lengakahleleki nobe yoyimbili?**

I-SABC itimisele kuniketa tinhlelo tekufundzisa letikhomba likhono lekusungula nelizinga lelihle emawayilensi netinsita tamabonakhashane, letihlose kuLangabetana netidzingo tekufundza lokuhlelekile nalokungakahleleki lokwehlukene kubo bonkhe balaleli, lokufaka ekhatsi bantfwana, labasha kanyenalabadzala.

#### **Kubuyeketwa: Tinhlelo tetemfundvo**

- Ngabe loku lokungenhla (kanye nalemnye imisho) kuletinchubomgomoy kusefanele, futsi ngukuphi lapho kudzingeka kwentiwe ingucuko?
- Imfundvo njiyo yodwa incenye yetinchubomgomolebhokane ngalokubanti netinhlelo tebantfwana. Kepha, sakhiwo seReithian sekujabulisa nekwatista siyasebenta nakulabancane - ngempela kumele kwentiwe tinchubomgomoletengamele tinhlelo tebantfwana.

**Ngingayitfolaphi ikhophi yeTintfubomgommo teKuhlela letisetjentiswako?**

Kufola ikhophi yeTinchubomgommo teKuhlela letisetjentiswako, yani ku, [www.sabc.co.za/editorialpolicy](http://www.sabc.co.za/editorialpolicy)

**Ngingalutfola njani Iwati Iwekubuyeketwa kweTinchubomgommo teKuhlela**

Kufola Iwati lolwenetiwe, bhalela kule-imeyili [editorial@sabc.co.za](mailto:editorial@sabc.co.za) nobe ushayele (011) 714 9111

**Ngingawufumela kuphi umbono wami kuleTinchubomgommo teKuhlela?**

Ungatfumela umbono wakho kuletindlela letilandzelako:

Imeyili: [editorial@sabc.co.za](mailto:editorial@sabc.co.za)

Liposi: Tinchubomgommo teKuhlela

Private Bag X1

Auckland Park

2006

